



## Publicaziuns dalla vischnaunca, jamna 18

### Damondas da baghegiar

#### 2015-1008.000

**Datum dalla publicaziun: Igl 1. da matg 2015**

**Il patrun:** Cucagna SA, Via Alpsu 10, 7180 Disentis/Mustér

**Il representant:** Büsser AG, Dahliastrasse 5, 7000 Chur

**Object:** Sanaziun totala cun midada d'intent, construcziun da habitaziuns novas, parcella 680, Via Alpsu 10, 7180 Disentis/Mustér

#### 2015-1010.000

**Datum dalla publicaziun: Igl 1. da matg 2015**

**Il patrun:** Annalisa Giger-Sialm, Via Alpsu 4, 7180 Disentis/Mustér

**Il representant:** Maissen architectura ed immobilias SA, Via Alpsu 8, 7180 Disentis/Mustér

**Object:** Sanaziun interna, novs bogns ed engrondaziun parziala, parcella 715, Via Alpsu 4, 7180 Disentis/Mustér

#### 2015-1012.000

**Datum dalla publicaziun: Igl 1. da matg 2015**

**Il patrun:** Heinrich Berther-Giossi, Via Sogn Placi 2, 7180 Disentis/Mustér

**Il representant:** Heinrich Berther-Giossi, Via Sogn Placi 2, 7180 Disentis/Mustér

**Object:** Mirs da sustegn, endrizzar ina fontauna nova, adattaziun digl access tier la Via Sogn Placi resp. Via Sursilvana, parcella 920, Via Sogn Placi 2, 7180 Disentis/Mustér

#### 2015-1016.000

**Datum dalla publicaziun: Igl 1. da matg 2015**

**Il patrun:** Vinzens Huonder-Desax, Via Sut Vitg 1, 7186 Segnas

**Il representant:** Vinzens Huonder-Desax, Via Sut Vitg 1, 7186 Segnas

**Object:** Tegia da mises, midada da diever, parcella 2588, Barbadur, 7186 Segnas

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 28 d'avrel 2015  
*Uffeci da baghegiar Disentis/Mustér*

---

### Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau suandonts projects:

#### Nr. 2015 – 2016.000

Pauli ed Irena Albin-Loretz, Via Acletta 15, 7180 Disentis/ Mustér; plantar ina seiv viva, parcella 2361, Via Acletta 15, 7180 Disentis/Mustér.

#### Nr. 2015 – 2018.000

Cuminonza da proprietaris en condomini Casa Postigliun, Via Sursilvana 18, 7180 Disentis/Mustér; lavurs da manteniment vid las fatschadas dil baghetg sin parcella 871, Via Sursilvana 18, 7180 Disentis/Mustér.



**Nr. 2015 – 2020.000**

Placi Bigliel, Via Disla 1, 7180 Disentis/Mustér; adattar il plaz per cavigliar lenna davos casa, parcella 1779, Via Disla 1, 7180 Disentis/Mustér.

**Nr. 2015 – 2021.000**

Urs Obrist, Dorfstrasse 39, 8717 Benken; drenadi niev pils mirs dalla casa e sanaziun dil tgamin, parcella 1100, Via Muot Selvaun 18, 7186 Segnas.

Encunter quellas decisiuns san ins protestar a scret enteifer 20 dis dapi la publicaziun alla suprapostanza communal.

Disentis/Mustér, ils 28 d'avrel 2015  
*Uffeci da baghegiar Disentis/Mustér*

---

## Cussegl da vischnaunca

### Rapport da gestiun e quen 2014

En sia seduta dils 24 d'avrel 2015 ha il cussegl da vischnaunca sut il tgamun dad Edgar Durschei approbau il rapport da gestiun ed il quen annual 2014 e concediu in credit supplementar da frs. 113 000 per l'avertura dalla zona da mistregn a Pignola. Il quen 2014 siara cun in legreivel ault cash-flow da frs. 2196 714. Quei oreifer resultat ei d'ina vart d'attribuir alla buna disciplina da budget. Da l'autra vart ha ei dau plientradas tier la taglia ed il fetg bien onn hidrologic ha procurau per aultas entradas tier ils tscheins d'aua e la vendita d'energia. Suentar haver fatg pliras amortizaziuns supplementaras dalla facultad administrativa ell'altezia da frs. 1503 298 siara il quen 2014 cun expensas da frs. 14 506 719 ed entradas da frs. 14 817 970. Il resultat dil quen current munta aschia ad in surpli d'entradas da frs. 311 251. Las amortizaziuns totalas importan frs. 2 279 598. Il quen d'investiziun siara cun expensas da frs. 1579 802 ed entradas da frs. 529 253, pia investiziuns nettas da frs. 1 050 549. Las grondas investiziuns pertuccan la sanaziun da vias cantunalas e communalas cun frs. 480 971, la realisaziun da divers projects forestals cun frs. 322 202, la sanaziun dil Center da sport e cultura cun frs. 279 607 ed il project per la meglieraziun funsila cun frs. 185 565. Cun la sanaziun dalla Via Sogn Gions e dalla Via Sogn Placi ha muort recuors tier la Dertgira administrativa dil Grischun buca saviu vegnir entschiet 2014. La vischnaunca ha ils davos onns saviu reducir marcantamein il deivet bancar sin frs. 9 576 000. Il deivet netto per habitont ei sereducius sin frs. 1956, quei che vegn taxau sco deivet mesaun. Grazia alla buna situaziun finanziaria dalla vischnaunca ed a vesta dils tscheins per ils emprests ordvart favoreivels, sa la vischnaunca realisar e responsar investiziuns spustadas (p.ex. ell'infrastructura) sco era investiziuns supplementaras (p.ex. contribuziun alla restauraziun dalla claustra/baselgia, Center da sport e cultura, meglieraziun funsila). Las singulas damondas pils credits vegnan suttamessas al suveran el decuors da 2015 e 2016 per decisiun. Ils 26 d'uost 2011 ha il cussegl da vischnaunca concediu in credit da frs. 480 000 per l'avertura dalla zona da mistregn a Pignola. Las expensas totalas per l'avertura muntan tenor quen final a frs. 592 812. Plirs motivs han menau tier quei surpassament da cuosts da frs. 112 812. Aschia ei la qualitat dil material explotau stada mendra che quintau, ils cuosts da transport e da deponia ein stai pli aults che previ ed ei ha basignau ina cuvrida provisoria dalla via d'access. Cun la realisaziun dall'avertura dalla zona da mistregn ha la vischnaunca saviu possibilitar all'economia indigena da prosperar ed era possibilitau la realisaziun d'in niev menaschi da mistregn en vischnaunca. La promoziun dall'economia cun crear novas piazzas da lavur duess restar vinavon nossa sfida principala. Il quen 2014 sco era il credit supplementar da frs. 113000 per l'avertura dalla zona da mistregn a Pignola vegnan conform alla constituziun communal suttamess al referendum facultativ. Alla fin dalla seduta ha il president dil cussegl orientau davart l'inoltraziun da duas moziuns. Ina pertucca il terminar il concept en favur dalla sanaziun dallas finanzas communalas cun entradas da taglia supplementaras sin la fin digl onn 2015. La secunda moziun concerna la sanaziun urgenta dil plaz prigulus avon la scola Cons.

*Suprapostanza communal*



### Referendum facultativ

A caschun da sia seduta dils 24 d'avrel 2015 ha il cussegl da vischnaunca approbau unanimamein il rapport da gestiun ed il quen 2014 sco era concediu unanimamein in credit supplementar da frs. 113 000.– per l'avertura dalla zona da mistregn a Pignola.

Conform ad art. 21, lit. a resp. e dalla costituziun communal da vischnaunca ein quellas decisiuns suttamessas al referendum facultativ. Il quen 2014 sco era il messadi tier sura dus conclus ein exponi per investa en casa communal (stanza nr. 10).

Enteifer 20 dis dapi la publicaziun officiala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

*Suprastonza communal*

---

### Festival svizzer per chors d'affons e da giuvenils

Naven d'Anceinza, ils 14 entochen ils 17 da matg 2015 ha liug a Mustér il festival svizzer per chors d'affons e da giuvenils. 1200 affons e giuvenils dall'entira Svizra vegnan a passentar quels dis a Mustér e contuorn. In bi e vast program da concerts ei arranschaus ed organisaus en differentas capluttas e baselgias sco era en hallas. Aschia astgein nus selegrar sin bia hosps e visitaders dils concerts. Per beneventar e demussar nies grond plascher enviers las cantaduras ed ils cantadurs che vegnan per quell'occurenza cheu en nies vitg lessan nus envidar vischinas e vischins da Mustér d'ornar lur casas ed ils contuorns per cheutras dar ina tempra festiva. Nus selegrein ch'il tshunavel festival svizzer vegn organisaus en Surselva e selegrein sin ina gronda preschient-scha davart la populaziun allas differentas producziuns.

*Administraziun communal Disentis/Mustér*

---

### Via d'uual Cavardiras – Caischavedra

Muort moviments da terren resta la via denter Chischarolas e Runtget serrada per tut traffic. Pedunzs san passar senza impediments. Ina sviaziun pil traffic ei signalisada sur las Bovas. Bien engraziament per la capientscha.

*Uffeci forestal Disentis/Mustér*

---

### Clom d'urgenza 118

Preziadas vischinas, prezias vischins

Onn per onn dat ei cass en nies cantun nua ch'ils pumpiers vegnan clamai memia tard sil plaz da seracass. Savens emprovan habitontas e habitonts da cuntoscher pumpiers ch'els enconuschan via telefon privat. Il temps che va aschia a piarder ha ils davos dus onns caschunau la veta a duas persunas el Grischn! Plinavon daventan ils donnns cun mintga minuta spiarsa pli gronds. Perquei s'adressesin nus a Vus cun ina ferventa supplica: clamei ils pumpiers mo sur il clom d'urgenza 118.

Era sche Vus veis mo in pign problem sa il polizist che pren encunter Vies telefon reagir aschia che mo ina pintga gruppa d'agid ni singulas persunas vegnan clamadas. Ulteriuras informaziuns era davart la prevenziun anfleis Vus sin nossa pagina d'internet:

[www.pumpiers-sursassiala.ch](http://www.pumpiers-sursassiala.ch).

Engraziel per Vies sustegn!  
*Vos pumpiers Sursassiala*



## Duel a Mustér

**sonda, ils 9 da matg 2015 semesiran ils affons culs carschi el center da sport e cultura. Occurrenza naziunala en connex cul «duel da vischnauncas» sut il padrinadi «svizra.semova » e «coop».**

La vischnaunca da Mustér realisescha en collaboraziun cun svizra.semova e pliras uniuns da Mustér ina occurrenza tut speciala (mo treis vischnauncas el cantun Grischun organiseschon in tal duel) per affons e carschi. Tut ils affons da scola separticipeschon. En differents posts semesiran mintgamai in affon ed in carschiu in cun l'auter. Ils aspectaturs/las aspectaturas sustegnan las prestaziuns cun dar anim. Perquei envidein nus vus tuts/tuttas da vegnir, separticipar, mirar e sustener! Ei va buca per prestaziun, ei va per plascher, passentar in per bialas uras en buna cum-pignia ed esser en moviment. Diversas attracziuns sco: halla da reiver, schar schmincar la fatscha ed auter pli spetgan supplementarmein sin vus.

L'occurrenza ha liug da tutt'aura en ed entuorn il center da sport e cultura Acla da Fontauna naven dallas 10.00–17.00 (da schliata aura en halla) Ustria cun grill e bubrondas sil plaz.

Cordial beinvegni

*comité d'organisaziun  
scola da Mustér ed uniuns*

---

## Radunonza generala dalla pleiv s. Gions

**Venderdis, igl 1. da matg allas 20.15 en halla Cons**

Tractandas:

1. Beinvegni ed elecziun da dus dumbravuschs
2. Protocol dalla davosa radunonza generala
3. Elecziuns:
  - a) plevon
  - b) ugadessa Cavardiras
  - c) commembers cussegl pastoral
4. Rapport dil president dalla pleiv
5. Rapport dil cussegl pastoral
6. Rapport da quen: Baselgia s. Gions
7. Rapport da quen: Pervenda s. Gions
8. Rapport da quen: Baselgia Segnas
9. Rapport da quen: Baselgia Cavardiras
10. Rapport dils revisurs da quen e scarica alla suprastonza
11. Preventivs e fixar il pei da taglia
12. Orientaziuns
13. Undraziuns
14. Varia

A stedia participaziun envida

*la suprastonza*

---

## Lotto Chor baselgia Segnas

Sonda, ils 2 da matg 2015 allas 20.00 en sala Fontauna dil Center da sport e cultura Mustér. Vendita dallas cartas naven dallas 19.00. Fetg bials premis spetgan sin Vus. Sin in bien seveser e bien cletg.

Mira inserat!  
*Chor baselgia Segnas*



**Preavis**

**Radunonza generala dalla Societad sempla Alp Run Mustér.**

Venderdis, ils 22 da matg 2015 allas 20.00 el Center dad agricultura a Salaplauna Mustér.

---

**Uniun samaritana Mustér**

Nies proxim exercezi meinsil ha liug

**Gliendisdis, ils 11 da matg 2015** allas 19.30 en casa da scola, Cons.

A stedia participaziun envida

*la presidenta*

---

**Uniun fallun e cascharia Disla/Mustér**

Sonda, ils 16 da matg 2015 ha liug a Disla/Mustér «Il di svizzer dils mulins». Quei di vegn chischau, mulau, resgiau (nus sperein ch'ei funcziuneschi) ed era il talèr vegn mess en funcziun. Duas dunnas sunan e contan quei di per nus. Ins sa era gentar tier nus.

A tuts in cordial beinvegni

*la suprastonza*